

أنا الصياد

طلعت اصطاد

أنا وابني

لقيت الليل بيحبني

سحابة ف السما سارحة

نجوم الليل

بتترقص على كيفها

يهيج البحر

ويغير ملامحها

يابحر ياسارق

م السما لونها

وواخذ م النجوم مراجيح

ببتمر جح على وشك
وانت تطيح
وتقلبني انا وابني
في عز الريح
وابني يصيح ويسألني
ياابويا البحر
ليه غضبان
وانا وانتي بنتمنى
الرضى يرضى
ولما جينا نتوضى بتدعيه
يكون عمران
وخيره يفيض على الشيطان
وخيره يفيض على الغلبان
وانا الغلبان

ونفسي اصطاد ولو سمكة
تفهمني وتقرالي دفاترها
ورافضة تنط في شباكي
وبشباكي بحنلها
وليه ياابا مالينا الخوف
وليه ياابا نطاطيلها
مادام البحر مش بيشوف
ولا شايف عمايلها
يزوف الخير عليها يزوف
ولا يزوفوا على غيرها
وياذينا ومش مكسوف
ولا يأذي مشاعرها
ياابويا ليه وانا ف حزنك
دموعك ليه بتخفيها

وانا القلب لما تقيد
بتنزل دمة من عينك
على صدري تغطيها
وليه يا ابا
بتتلكفت ضمائرنا
ونرميها
في اول موجة بتجيانا
وتتشعبط في كل صباح
بنور الشمس
وحتى الشمس
مش راة تدفيا
ويا ما رينا واحينا
عشان نرس على المينا
ولا رسينا ولا طلنا امانينا

وليه الهم مالينا ..
وليه الفرح مالينا
وليه الحزن مالينا
وليه الضحكة تسبقها
معاني كسرت فينا
وليه بندارى ف عيوبنا
ونلبس توب ماهوش توبنا
في لحظة ضعف حيسينا
وينسانا وننسى معاه اسامينا
ياناي بتغني ف سكوتك
دا مش لحنك ولا صوتك
دا لحن غريب بيتغنى
بدمع العين دا وبموتك
دا قلبك مش حجر صوان

وقلبي كمان
دا قلبي كمان
يعزف قبل مايفوتك
ياحوف الليل يامتعري
بنور البدر من جواك
ومين جواك ومين قواك
على ضعفك في ليلة القدر
تطبب ع النجوم بتقيد
وتضحكك ونورها يزيد
تنور كل ليلة عيد
وتطفي ويا نور الفجر